

CONTRATO PARA EXECUCIÓN DAS OBRAS DAS GRADAS CUBERTAS NO CAMPO DE FÚTBOL DO MILLADOIRO. POS 2016

Na Casa do Concello de Ames a 24 de novembro de 2016.

REÚNENSE:

Dunha parte, D. José M. Miñones Conde, alcalde do Concello de Ames, asistido da secretaría do Concello, D^a Rosa Ana Prada Queipo, en execución dun acordo relativo a unha adxudicación de obra, que foi adoptado pola Xunta de Goberno Local de data 10 de novembro de 2016.

Doutra parte, don Luís Antonio García Gutiérrez, con NIF 35 443 576-R, en representación e na súa calidade de conselleiro delegado da empresa "Obras y Viales de Galicia SL" con CIF B-15608193 e domicilio en parque empresarial de Sigueiro, parcela 56-A, Sigueiro-Oroso (A Coruña).

É o obxecto da presente reunión formalizar e asinar o contrato administrativo de execución da obra "**GRADAS CUBERTAS NO CAMPO DE FÚTBOL DO MILLADOIRO**", e ó obxecto establecen as seguintes

CLAÚSULAS:

1ª.- O Concello de Ames adxudica a Obras y Viales de Galicia SL a realización das obras comprendidas no proxecto de "**gradas cubertas no campo de fútbol do Milladoiro**" no prezo de sesenta e e oito mil cento quince euros e setenta céntimos (**68.115,70.- Euros**) máis o IVE repercutible ao tipo do 21% que ascende a contía de catorce mil trescentos catro euros e trinta céntimos (**14.304,30.- €**) de acordo cos pregos e resto de condicións polas que se rexeu o procedemento, así como coa proposición formulada polo adxudicatario.

2ª.- Constitúe o obxecto do contrato a execución da obra especificada no prezo indicado, de acordo co prego de condicións polo que se rexeu o concurso e co proxecto que serviu de base para tramitación e aprobación da obra, así como coa oferta presentada polo adxudicatario.

3ª.- Os pagos serán aboados ao contratista contra certificación de obra aprobada polo órgano correspondente da Corporación.

4ª.- A obra será executada no prazo máximo de **4 meses**, contados a partir do día seguinte ó da sinatura da acta de comprobación de replanteo, salvo que exista reserva fundada que impida o seu comezo.

5ª.- O contratista constituíu unha fianza definitiva por importe de **3.405,79.- €**, mediante aval de Abanca Corporación Bancaria SA. inscrito no rexistro especial de avais co nº 357216, correspondente ó 5% do prezo de adxudicación excluído o imposto sobre o valor engadido.

6ª.- O contratista colocará, pola súa conta, desde o inicio das obras, un cartel das características que lle serán facilitadas polo Concello.

Lido que foi o presente contrato, do cal forma parte integrante o prego de cláusulas administrativas que rexeu para adxudicación da obra, e facendo constar que se estende por duplicado e a un só efecto e que entrará en vigor no mesmo día da data, asínano, unha vez conformes, o señor alcalde e contratista de que eu, a secretaria, certifico.

O ALCALDE,-

A SECRETARIA,-

O CONTRATISTA,-



Concello
de AMES
Pz. do Concello, nº 2. Bertamirans
15220 AMES (A Coruña)
Telf: 981 883 002 Fax: 981 883 925



OVIGA
OBRAS Y VIALES DE GALICIA S.L.
C.I.F.: B-15.608.193